

وشفت جوابها ، حاجة خلتنى مش قادر أسويه من إيدى .. بصنعة
لطافة بشويش على السبرتوشوية شوية لما فتحتة .. فكرك لقيت إيه ؟
جواب حب من الدرجة الأولى . . فيه بوس وأحضان وشكوى
وكلام فارغ زى ده . . ضحككت لما انفلقت . أول الجواب
(حبيبتي ونور عيني) . . مش مصيبة ان الولية دى تبقى لسه لدلوقتي
نور عين ؟ لكن بقيت مش مصلوق ، مش داخله راسي . لازم
المسألة فيها سر ثاني . لزاى أوصل له ؟ سهل خالص . بصيت للإمضاء
لقيتها خليل . . جبه في بالي طوالى ظرف دايما ألاقيه في الصادر
العنوان إالى عليه :

« حضرة المحترم الفاضل خليل إبراهيم أفندي

يحفظ بشباك بوسته الفجالة مصر »

لازم هوا . . ح يكون في مصر كام خليل لهم جوابات
من كوم النحل ما فيش غيره في الغالب . . ثاني يوم فتشت الصادر
ع الجواب اللى في بالي لقيته . . الظرف مكتوب بالكوبيا . خط منتظم
لكن حروفه واطية . حاجة نسوانى كده . . زى ما عملت في الأول
عملت في الثاني . فتحتة . لقيت رد جواب أم أحمد كله حب هو
واخر لكن الإمضاء لأم أحمد ولا أم دياولو . . كلمة واحدة
معقولة : جميلة عرفت إني أنا مش وحدى في البلد . . أم أحمد
عامله بوسطجى معاى . ثاني يوم لما جت لى ضحككت عليها وقلت لها :
- لك جواب مسوكر . . من فضلك أكتبى اسمك هنا .